



Die Wapad

SAWA Oos-Kaap



Summerwood – Januarie 2015



Willows – Februarie 2015




100+ Van Stadens – Maart 2015



Gamtoos – Maart 2015



INHOUDSOPGawe



UIT DIE WOORD.....	3
VOORSITTERS VERSLAG.....	4
REDAKTEURSBRIEF.....	5
LIEF, LEED & SIEKTE.....	6
ONS LAND SUID-AFRIKA.....	7
EREKODE.....	8
SUMMERWOOD.....	9
EERSTE SKOOLDAG 2015.....	13
WILLOWS.....	14
100+ VAN STADENS.....	17
GEBUIGDE GIETERTJIE VOL GATE.....	21
GAMTOOS.....	22
WINTERTOER 2015.....	24
DOWN MEMORY LANE.....	25
ADVERTENSIEBLAD.....	27
NUWE LEDE.....	28
LEDE-INDELING.....	29
VERJAARSDAE.....	30
JAARPROGRAM.....	31
SAWA STREET DAARNA.....	32

Tensy anders vermeld word daar ook van die Internet en Facebook gebruik gemaak vir inligting



Uit die Woord

Hy praat met jóú deur JOYCE MEYER (Léef April 2015)

Wonder jy of God nog met mense praat? Is Hy regtig begaan oor jou alledaagse lewe, of kan jy Hom net met groot en belangrike sake pla? Het jy nou dringend nodig om van Hom te hoor?

Natuurlik praat God nog met ons elkeen individueel! Hy het immers 'n unieke, goeie en volmaakte plan vir jou lewe. Psalm 18:31 beaam: "God se pad is volmaak. Jy kan alles glo wat Hy sê. Hy beskerm almal wat by Hom kom wegkruip." (*Die Boodskap*)

Dikwels is ons met tweede beste tevreden omdat ons nie weet hoe om van die Here te hoor nie en omdat ons traag is om Hom te gehoorsaam. God wil ons dag vir dag lei, net soos Hy die Israeliete in die woestyn gelei het. Psalm 77:20 sê immers: "Deur die grootste krisis het U hulle gelei." Ons lees ook in Psalm 23:3: "Soos 'n goeie gids lei Hy my elke dag om volgens sy wil te lewe."

Maar net soos die Israeliete vra ons dikwels nie eens na die wil van die Here nie. Óns maak die planne! Dis vir God 'n euwel, maar in Sy liefde en genade strek Hy altyd Sy hand na ons toe uit! (Lees Jesaja 9:12-19.) Die Britse evangelis Smith Wigglesworth (1859-1947) het opgemerk: "God is gretiger om te antwoord as wat ons is om te vra."

In Jesaja 42:16 lees ons van God se wonderlike belofte: "Ek sal die blinde Israel op 'n pad laat loop wat hy glad nie ken nie. Ek laat die donkerte voor hulle in lig verander. Ek verander die pad wat vol slaggate is in 'n gladde pad. Ek gaan dit doen..."

Bevestiging dat God met Sy kinders praat, vind ons in Jesaja 30:21: "Wanneer julle die pad byster raak, sal julle Sy stem agter julle hoor sê: Hier is die regte pad, loop hierlangs."

Kan 'n mens alles weet? Hier op aarde ken ons net ten dele (1 Korintiërs 13:12). Is daar tye dat 'n mens voel asof jy in die donkerte rondtas en nie waarheen nie? Is dit dan ook God se wil? Ja, soms is dit. Hoekom is dit so? Dis wanneer ons geloof gestrek word en ons leer om God te vertrou. Jesus het geweet ons gaan hulp nodig hé. Daarom het Hy vir Sy dissipels gesê: "Glo My, dit gaan glad nie so sleg wees wanneer Ek weggaan nie. Inteendeel, julle gaan daarby baat vind.

Dink net, as Ek nie teruggaan nie, sal die spesiale Helper nie na julle toe kom nie. As Ek weggaan, sal Ek Hom na julle toe stuur" (Johannes 16:7).

Die Heilige Gees is altyd by ons! Hy ken God se wil vir jou lewe. Jesus is ons voorbeeld. Hy het gesê: "Ek het mooi geluister na wat die Vader sê... die besluite wat Ek neem, kom van God af" (Johannes 5:30, *Die Boodskap*).

Hoe lei God ons? Tree vir tree. Vir Abraham het God bloot gesê: "Trek uit jou land uit, weg van jou mense en jou familie, na die land wat Ek jou sal aanwys." Stel jou dit voor! Was Abraham bekommerd? Nee, ons lees in Hebreërs 11:8, 9: "Abraham het glad nie geweet waar dit was nie, maar het gehoorsaam, sy goed gevat en gegaan. En die rede: hy het God heeltemal vertrou."

Vra na God se wil vir jou lewe. Wag op Hom. Vertrou Hom. Gehoorsaam Hom. Hy belowe in Hebreërs 13:5: "Ek sal jou nooit alleen los nie en Ek sal jou nooit in die steek laat nie."



DIE VOORSITTER Sê...

Die eerste kwart van die jaar is verby. Dit voel of ons nou die dag al daai Nuwejaars voorneme gemaak het. Kan jy nog onthou wat jy besluit het om die jaar aan te werk, die vriendelikheid, familie, geloof of natuurlik gesondheid. Kom ons wees eerlik, die vetrokke was seker die een wat baie mense hulself voorgeneem het om af te skud. Wees nie bekommerd nie, jy het nog 5 maande om te werk aan daai lente figuur wat jy soek of dalk is jy meer realisties en het vir jouself meer tyd gegee en gesê jy wil teen Kersfees weer goed lyk, net om jouself weer te vergryp aan al die heerlike Kersfees eetgoed.



Baie dankie aan Streek Seemeeu vir die heerlike 100+. Almal het dit baie geniet. Ons volgende kamp is 'n nuwe een, by Nieshoutkloof in die Kirkwood omgewing. Hierdie jaar is daar weer 'n Gebiedskamp by Keurbooms en dan kan ons weer bietjie uitvind hoe gaan dit met ons vriende in die res van die gebied.

Ons hoop om hierdie jaar bietjie meer lede by die Gebiedskamp te hê. Die brandstofprys is minder as verlede jaar die tyd, maar nou klop daar al weer 'n verhoging aan die deur. Kampterreine se kostes per staanplek raak egter al meer en meer.

Die oorde beweeg meer na per kop en nie meer per staanplek nie, wat dit moeilik maak vir die gesin om gereeld te kamp. Die afname in die gemiddelde kampbywonings is 'n duidelike aanduiding dat dit finansies is wat knyp. Lae rentekoerse op beleggings knou die ouer lede wat afhanklik is van die rente om te oorleef.

Daar was heelwat van ons lede wat in die afgelope kwartaal moes gaan vir operasies en procedures. Ek wens almal van julle vinnige beterskap en voorspoed toe.

Die van julle wat die Paasnaweek op die pad gaan wees, ry versigtig. Laat ons ook dink aan wat die Paasfees vir ons as Christene beteken. Dit is nie net nog 'n lekker langnaweek nie. Christus het oor hierdie tydperk Sy lewe gegee wat die redding is vir almal wat in Hom glo as Verlosser.

Baie dankie aan almal wat gereeld hulle ledegeld en bedryfsfonds betaal. Die bedryfsfonds maak publikasies soos hierdie moontlik en ek wil ook net vir Ischke sê baie geluk en dankie vir die harde werk wat sy insit om hiervan 'n sukses te maak.

Hoop Oos-Kaap se bywoning by Keurbooms sal alle rekords oortref.
Veilig sleep!

Groete

Johan Steynberg



Redakteursbrief

Wat het geword van “pick-‘n-mix” toonbanke? Hulle het stilweg verdwyn. Die konsep bestaan nog plek-plek in buitensporige duur lekkergoed-winkels in inkopiesentrums, maar daar was ‘n tyd toe ‘n mens dit in feitlik enige afdelingswinkel kon kry. Dit was altyd voor naby die kassiere of die sigarettoonbank waar jy jou pakkies uit ander winkels gelos het terwyl jy inkopies doen. Die grootste uitdaging was om ‘n ordentlike balans te kry. ‘n Mens het altyd gewens jy het meer toffies gevat en minder van die harde suiglekkers, of ‘n ekstra een van daai jellielekkers wat gelyk het soos ‘n lemoenskyfie.



Die Wapad is ook maar ‘n *pick-‘n-mix* van kampstories, grappies, verjaarsdae, fotos, nuwe lede asook lede se lief en leed wat ek in ‘n “sakkie” goo. Om die balans reg te kry is dus nog meer uitdagend as met daai toffies, want dis moeilik om aan almal se voorkeure te voldoen. Dit is waarom terugvoering van julle af belangrik is. Dit help my om te bepaal of ek nog op die regte pad is met die inhoud van die wapad. Sê dus gerus vir my as julle voel dat iets ontbreek.

Die weer is stadigaan besig om te verander. Dit raak al hoe later lig in dieoggend en die sonnetjie sak al vroeër in die aand. Dit raak nou volwaardig herfs! Een van die dae is dit tyd om die elektriese komberse uit te haal.

Die jaar is volstoom aan die gang en die April skoolvakansie is op ons. Dit is skrikwekkend hoe vining die tyd vlieg. Ons het al drie SAWA kampe agter die rug en tydens die Willows kamp in Februarie het ons Valentynsdag ook gevier. Die volgende kamp is Paasnaweek by Nieshoutkloof in Kirkwood. Ek sien baie uit daarna aangesien dit die eerste keer sal wees wat ons daar gaan kamp. Dit is altyd lekker om ‘n nuwe plek uit te probeer. Julle moet julle paasnaweek geniet. Die wat nie gaan kamp nie, maar dalk elders gaan moet asb veilig reis. **Ontmoet Hom Paasfees by die kruis, by die oop graf. Daar waar Hy jou uitnooi om saam met Hom op te staan na ‘n nuwe lewe, om Hom te volg op ‘n nuwe pad van meer word soos Hy....**

Hy het met Sy eie bloed betaal, wat ‘n groot prys was dit nie! Mag die kragtige woorde uit 1 Petrus 1:19 die Paasfees vir jou opnuut betekenis kry. Tot volgende keer.

Groete

Ischke Lambrechts





Lief

- Eben Weitz & Maryka het verloof geraak en is 21 Maart getroud
- Liezel Labuschagne het haar eed as verpleegster afgelê
- Stienie Grobler se kleindogter, Lisa, is gebore
- Frans & Liana Labuschagne se seun, Jacques, het verloof geraak
- JJ Swanepoel, Juandre Hall, Edwn Nance, Ashley Bezuidenhout, Ryan Janse van Rensburg, Edmar Du Preez & Sydney Daniell het saam met DP op die groot Marlo tennis toer na Cradock gereis
- Edwin Nance is gekies as prefek vir 2015 by Daniël Pienaar. Hy het verlede jaar sy halfkleure gekry vir tennis en muurbal tydens die Sportdinee in Oktober. Hy was ook die senior tennisspeler vir die jaar vir Daniël Pienaar
- Ruan Hall is in die OP boogskietspan

Leed

- Tannie Jackie Conradie se swaer is oorlede na 'n beroerte
- Alida Steynberg se ma is skielik oorlede
- Marie Weitz se tannie is oorlede
- Gerrie Rens se skoonsuster is oorlede
- Tannie Elria se swaer is oorlede. Sy het ook 'n ongeluk met die karavaan gehad
- Willie Gummow se ma is oorlede
- Marizahn Weitz se oupa, Karl, is oorlede


Siekte

- Stienie Grobler en Johan Barnardo se ma sukkel met haar gesondheid
- Poppie Heyman se stiefma was in die hospital
- Leane Le Roux was in die hospital
- Bettie Venter was vir 'n heup operasie. Sy het ook 'n pasaangeér gekry
- Frans Labuschagne se ma was vir 'n maand in die hospitaal. Sy is darem nou weer tuis.
- Kenneth Bothma was in die hospitaal met sy been. Dr se dit is limfedeem en hy sal sy kous permanent moet dra
- Poppie Heyman was in die hospitaal vir toetse. Uitslag was dat dit 'n virus was
- Tania Deyzel was vir 'n arm operasie
- Eddie Deyzel was in die hospitaal
- Charlene Slabbert was vir 'n are operasie
- Tommy Hall was in die hospitaal
- Lizelle Bothma was in 'n motorongeluk
- Tjaart was in die hospitaal. Klont uit linkerbors gehaal
- Vicki Weitz se pa het 'n operasie gehad
- Elsabe Steyn het 'n heupoperasie gehad





Ons Land Suid-Afrika





Erekode



Hiermee verbind ek myself en my gesin tot die Grondwet, asook
Tot die Reëls en Gedragskode van die Suid-Afrikaanse Woonwa-Assosiasie
Verder verbind ek myself tot die volgende:

1. Ek sal strewe om die Christelike grondslag van SAWA te bewaar en uit te lewe;
2. Ek sal SAWA dien sover ek kan en alles in my vermoë doen om ons Assosiasie uit te brei;
3. Ek sal ons geliefde land se natuurskoon en sy fauna en flora beskerm en bewaar;
4. Ek sal poog om alle openbare geriewe en fasiliteite tot my beskikking so te benut dat ander gaste dit sonder ongerief kan gebruik;
5. Ek sal poog om in alle opsigte hoflik te wees, beleefd op te tree en bedagsaam te handel teenoor alle padgebruikers;
6. Ek sal daarop let om nie deur my gedrag die eer van SAWA te skend nie, maar sal poog om die agting van almal met wie ek in aanraking kom, af te dwing.

Jou doel is vreugde en blydschap

...vreugde en blydschap sal daarin gevind word, danksegging en die klank van liedere. Jes 51:3b

Ons moenie dink ons geloof is oorernstig of swaarmoedig nie - nee, asseblief nie! Die lewe is wel soms ernstig, maar dikwels is die lewe lig en maklik en is die verhouding met God net 'n vreugde. Die woorde "vreugde en blydschap" het my getref in hierdie vers, want God belowe huis DIT vir sy verstote volk. Almal van ons verlang na vreugde en blydschap, na ontspanning, lag en pret, na genot en plesier. Dis menslik. Dis ook die doel van God met ons! Laat ons dalk net onderskei tussen plesier en vreugde - die eerste se bron is buite ons en die tweede se bron is in ons. Plesier is nie verkeerd nie (alhoewel die sug na plesier 'n afgod kan wees), maar wat God veral vir ons wil gee is vreugde. SY vreugde in ons is die wete en vrede dat ons aanvaarbaar en geliefd is, dat ons lewe sinvol en belangrik is, dat alles goed sal uitwerk en dat ons veilig is vir ewig. Lag, vriend! Sulke vreugde is 'n onomstootbare beskutting teen wat-ook-al die lewe bied.

Here, gee my U vrede en vreugde! Amen.


(Ingestuur deur Tania Deyzel)



Oos-Kaap

Summerwood

12 tot 18 Januarie 2015



Ons jeugkamp wat vanjaar vanaf 16 – 18 Januarie 2015 by Summerwood gehou is, was soos in die verlede 'n heerlike en prettige kamp. Sommige van ons het sommer vir die hele week daar gekamp en soos altyd was die terrein pragtig en netjies. Oor die algemeen het ons heerlike weer gehad – Sawanante is mos nie bang vir bietjie wind nie!


Ons is veral trots op ons kinders wat self baie van die take gedoen het en op elkeen (jonk en oud) wat deelgeneem het aan die aktiwiteite. Ons was 43 karavane – waarvan 6 gaste was. Vrydagaand se boekvat is gedoen deur Zelvoné, Lize, Zianca (gas), Lee-Ann en Meagan. Hierna het die braaivleisvure hoog gebrand en almal het lekker gekuier.

Saterdag se program is gewysig ten einde al die aktiwiteite te kon inpas. Ons “Fun Games” het 10 uur begin en ons was aangenaam verras oor die hoeveelheid deelnemers en toeskouers. Uiteindelik was daar drie spanne wat mekaar die stryd aangesê het en hierdie keer is hulle spanwerk, fisiese krag, breinkrag, motivering en vindingreikheid getoets. Ons het alles gedoen, van roomys deur sykouse voer, wasgoedpennetjies aan gesigte vasknyp, lipstifje geblinddoek aansmeer tot vasvrae-kompetisies. Dit was Sieg's Sexy Angels wat oortuigend gewen het met 425, tweede was dit Supermen met 340 en derde was Kampers met 325. Die lede van die wenspan was: Sieg, Vicky, Mario, Anja, Zelvoné, Anton Jnr, Doré, Lize, Zianca (gas), Meegan, Chené, Lee-Ann, Raynard, en Kayla. Baie dankie vir almal – dit was Vet Pret!!!





Hierna het sommige dames baie hard gewerk om vir ons 115 wafels te bak. Ons het heerlik gesmul en ook R1150 vir ons streek ingesamel. Baie dankie vir die goeie inisiatief, harde werk, skenkings en ondersteuning!



Na die lekker wafels was dit tyd vir ons Swem Gala. In die Junior afdeling vir Seuns was daar 3 spanne naamlik: Finding Nemo, Tiere en Walrusse. In die Junior Dogters afdeling was daar 4 spanne naamlik Barbie Girls, Go Girls, Sexy Girls en Power Puff Girls. Daar was ook 4 spanne wat deelgeneem het in die Senior afdeling naamlik: Supermen, Die Widders, Monro Racing en Blou Stroom. Alhoewel hulle mekaar erg opdraend gegee het, was dit op die einde die jonges in die Blou Stroom wat die "oues" in Supermen geklop het. Baie geluk aan al die wenspanne en dankie aan al die deelnemers vir julle goeie sportmangees! Baie dankie ook aan die "Spesiale Gaste" wat gesorg het vir die nodige vermaak en veiligheid rondom die swembad! Onthou asb dat die trofees gegrafeer moet word en die wenspanne word dus versoek om asb die trofees aan Zelda terug te besorg vir hierdie doel.

Saterdagaand is boekvat gehou en daarna die prysuitdeling.



Boekvat is gehou deur JJ, JC, Divan, Bianca, Stephan, Mornanté en Ruan.

Die Power Puff Girls wen vir 'n tweede jaar die junior afdeling vir dogters. Die span bestaan uit Zelvoné, Lize, Anja en Bianca

Die tiere wen die junior afdeling vir seuns en bestaan uit JJ, JC, Brendon en Ryan.



**Supermen bestaan uit Anton
Snr, Bothma, Mario en Jannie.**

**Blou Stroom bestaan uit Anri, Juan, Anton
Jnr en Raynardt.**

Hierna het die kinders 'n spesiale verjaarsdag-sokkie vir Bianca Kaltenbrunn in die klubhuis gehou en al die SAWA-kinders het lekker saam gedans.

Ek wil graag die volgende mense bedank: Liana Labuschagne – inbetaling van fooie by Tannie Linda (voor die kamp) en inbetaling Vrydag, help met die neem van bestellings vir wafels. René Hall – inisiatief vir wafels as fondsinsameling en neem beheer oor die bak daarvan, maak al die beslae aan vir wafels, bak dit en help klubhuis skoonmaak, help met die Fun Games. Vicky Weitz – help en neem deel aan die Fun Games, help met die bak van die wafels en skoonmaak van klubhuis. Marohessa du Preez – help met die bak en bedien van die wafels en skoonmaak van die klubhuis. Tannie Jakkie – help met die bak van die wafels. Daar was verskeie mense wat gehelp het met die fun games en die swem gala – soos om beoordelaars te wees en om skeidsregters te wees – ek is bang ek laat iemand uit as ek nou begin name opnoem. Dieselfde geld ook vir die deelnemers. Daar was baie – oud en jonk.

Die volgende donasies is ontvang: Rene Hall – alle bestanddele vir die wafels. Zelda Swanepoel – alle roomys (14 liter) vir die wafels, stroop vir wafels, alles wat nodig is vir fun games soos sykouse, lipstiffies, wasgoedpennetjies ens aankoop, geskenke (lekkergoed) vir al die deelnemers. Arno Engelbrecht – geskenke (4 braaitange) vir die winners van die swem gala.

Ek het Sondag se diens gelei en daarna is daar sommer baie spesiale plaatjies uitgedeel. Baie van ons het nog lekker saam gestap en gaan roomys eet voor die braavleis vure vir oulaas aangestEEK is.



**Gerhard &
Annemarie
Momberg – 40
streek**



Jan & Tanya Hugo – 100 streek



Ettienne & Marohessa Du Preez – 10 streek



Werner & Lizelle Visser – 50 streek



Anton & Rozelle von Molendorff – 100 streek



**Johan & Karen
Rautenbach – 175
Totaal**



**Ben & Marie Weitz –
190 streek**



**Johan & Jakkie
Barnardo – 270 streek**



**Frans & Liana
Labuschagne – 90 streek**

Baie dankie aan elkeen wat hierdie kamp bygewoon het en bygedra het daar toe om dit 'n groot sukses te maak. Baie sterkte aan elkeen vir die nuwe jaar met al sy uitdagings! Maak die beste van elke geleentheid en onthou om al die probleme en bekommernisse uit jou kopkussing te skud, sodat dit vervang kan word deur pragtige sagte vere van Jesus se liefde!

Groete

Zelda Swanepoel



Nuttige wenk: Daardie oop plat eierhouers wat mense weggooi, is lekker staanders wanneer die bakke of potte van die vuur of stoof af kom en jy aansit vir ete. Die eierhouers pas in mekaar en is veerlig. Jy kan dit maklik iewers in die woonwa bêre vir die volgende kampete. Baie beter as om swaar houtborde saam te ry.

Eerste Skooldag 2015



Stefani Lambrechts –
Graad RR



Lienke Strydom –
Graad R



Chené Engelbrecht –
Graad 8



Marcel Botha – Graad 8
eerste dag van Zorro
Zombie ontgroening



Zelvone Swanepoel – Graad 8



Lize Strydom – Graad 8



Melissa Rautenbach – Eerstejaar student



Julle moet onthou om julle brandblussers in die karavaan na te gaan en gereeld te laat diens. As die verkeersbeamtes jou stop en die datum is verval dan is dit 'n R1000 boete!
(Liana Labuschagne)

Voorraad is beskikbaar by Karen
Rautenbach. Kontak nr 082 781
1585


Voorraad	Prys
Sakwapens	23.00
hoede	70.00
pette	50.00
Sangbundels	30.00
GR Sangbundels	60.00
Plastiek Oortreksel	5.00
Tafeldoek	130.00
Wiele	30.00



Oos-Kaap

Willows


13-15 Februarie 2015



Vrydag was die weer maar goor. Sommige lede is reeds vroeg Vrydagoggend deur om kamp op te slaan. Die windjie het geroer en kort, kort het dit gereën. Maar ons ware kampers laat ons mos nie afsit deur ongure weer nie. Liana het Vrydagaand se boekvat hanteer saam met die inbetaling. Daar is lootjies verkoop vir 'n stainless steel potjie koker wat geskenk is deur Markus Pottas. Die vure is aangesteek en daar is lekker gekuier.



Saterdag was Valentynsdag. Party van die mans het hul vrouens uitgeneem vir ontbyt en die ander het mekaar sommer daar by die kamp bederf. Dit was weereens vier seisoene in een dag en ons het so 'n bietjie beurtkrag ook gehad. Saterdagmiddag het Frans, Richard en Johan Steynberg die waatlemoene gesny en almal het heerlik daaraan geëet.



Johan Steynberg het Saterdag se boekvat gedoen en daar is koekies uitgedeel om die mans wat vergeet het om vir hul vrouens iets vir valentynsdag te koop uit die moeilikheid uit te help. Toe het ons weer 'n bietjie beurtkrag gehad, maar gelukkig het Tommy sy generator saamgebring en toe kon hulle lekker by Mario van der Westhuizen rugby kyk. Daar is weer heerlik saamgekuier om die braaivleis vure. Sommige kampers het tot 'n driegang maal gemaak om valentynsdag te vier.



Sondagoggend het die kinders sondagskool gehad. Leonora Moggee en tannie Judy het daarmee gehelp. Ds Rudie het die kerkdiens gelei. Die lootjie is getrek en is gewen deur Lenie Swanepoel. Weereens baie dankie aan Markus Pottas. Daar is ook verskeie plaatjies uitgedeel.



Gerhard & Leonora Moggee – 50 streek

Gerhard Momberg het uiteindelik die plaatjie van Summerwood gekry

Johan & Alida Steynberg – 100 totaal



Johan & Sandra Fourie – 230 streek



Tobie & Judy Botha – 50 streek




Tessa & Ignis Bessinger – 30 streek

Die mense het maar begin om op te pak. Dit het weer aan en af gereën so hulle wou maar die tente opslaan terwyl daar 'n droë oomblik was. Daar is lede wat nog eers gebraai het voordat hulle opgepak het.

Baie dankie aan almal wat die kamp meegemaak het en dit 'n heerlike naweek gemaak het.

Groete

Ioschke & Liana






Oos-Kaap

100+ Van Stadens

6-8 Maart 2015



Drie en twintig gesinne het die wonderlike voorreg geniet om hierdie jaar die 100+ te kon bywoon wat deur Streek Seemeeu aangebied is. Almal was opgewonde, want dit is een van die hoogtepunte vir almal wat dié besonderse mylpaal al behaal het.

Vrydag kom die woonwaens aan by Van Stadensriviermond. Die gees is goed, want streek Oos-Kaap, Streek Seemeeu en Streek Strelitzia se lede sien mekaar weer na 'n lang tyd. Ongelukkig kon net Willem, Alet en Ouma Nel van Klein Karoo die naweek Klein Karoo kom verteenwoordig. Nogtans is dit heerlik om mekaar te kan groet. Vrydagaand hou Lappies Labuschagne vir ons die Boekevat en almal kuier daarna heerlik rondom die kampvure.

Saterdag geniet almal die rustigheid van die natuur, see en lagoon. Dit is so rustig, die visse wil nie eens aan die aas byt nie. Die vuur word gestook, die boud op die spit vasgedraai en die aartappels word in die potte gekook. Tjaart en Nelia is nou al so getrou op hulle pos voor die kospotte. Gelukkig ondersteun die manne darem met die vuurmaak. Die vrouens maak slaai en poeding en die res kuier net lekker saam.

Saterdagaand voel dit regtig of ons iewers in Afrika op reis is. Die saal is mooi versier en die tafels is keurig gedek. Die mooie Afrika motiewe word weerspieël op die kunstige plekmatjies.



Die gaste is geklee in hulle safari drag met die kameras en verkykers gereed vir aksie. Almal word verwelkom met 'n blikbekertjie sjerrie. Lappies verwelkom almal, Willem Nel deel 'n paar gevleulde woorde as Gebiedsvoorsitter en die aand se pret en plesier begin. Gelukkige trekkings vind plaas waar dié persone 'n opdrag kry.



Die nuusmaker was natuurlik Ann Barnard wat nommer Een se Nkandla so mooi verdedig het!!! Die babas van die aand was Johan en Alida Steynberg en die plaatjiejagters was Richard en Poppie Heyman. Daar word nog ander pryse ook uitgedeel. Voorwaar 'n geskenke-aand. Daar word heerlik gesmul aan die smaklike spityleis, aartappels en slaai met 'n lekker broodrolletjie daarby. Die ete word natuurlik afgesluit met koekstruif en koffie. Musiek word daarna gemaak sodat die dansendes die aand kan om skoffel. Met lekker vol magies en 'n glimlag op die monde word daar woonwa toe gegaan.



**Babas van die aand –
Johan & Alida
Steynberg**

**Plaatjie jagters –
Richard & Poppie
Heyman**

Nuusmaker – Ann Barnard





Sondag luister ons saam met die kampers van N.G. Kerk Noord op Uitenhage na die besonderse boodskap van ds. Chris. Ons leer weer opnuut dat ons moet luister om respek te verdien. Ds. Tobie bedien aan ons die nagmaal. Die kinders luister na Tannie Alma wat die sonde vergelyk met 'n appel wat bruin word.



Daarna word die res van die vleis weer in die potte gesit, so bietjie uie en aartappels word by geroer en ons kan weer saam smul aan die "left overs." Omtrent lekker om so saam onder die boom vir oolaas te kon kuier. Gelukkig is daar ook van die poeding oor, so die magies word lekker soet gevul.

Toe is dit maar stadiaan op pak tyd. 'n Heerlike naweek kom tot sy einde en die geselskap raak al hoe minder. Die laaste dinge word gebêre en toe begin die woonwaens die een na die ander vertrek.

Ons oopregte dank aan almal by Streek Seemeeu vir die heerlike naweek. Ongelukkig kan ons nie iets uitsonder nie, want alles het baie goed afgeloop: die weer was lekker, die geskenke was keurig, die saal en tafels was mooi versier en die kos was smaakvol. Die streek kan met trots terugkyk op 'n pragtige naweek. Baie dankie aan almal wat dit bygewoon het. Ons is so dankbaar dat ons deel kan wees van die besonderse groep Sawanante. Mag die 100+ nog lank leef.

Groete

Jakkie Barnardo & Sandra Fourie

Pas hom op – Gietysterkookgoed roes gou as jy dit nie reg behandel nie.

Lyf jou pot in

- **Was** hom met kookwater en maak hom met kombuispapier droog. Moenie die pot met seep was, skrop of skuur nie.
- **Smeer** die binnekant met olie
- **Verhit** die pot stadig tot die olie rook, en vee die binnekant met kombuispapier skoon wanneer hy afgekoel het

As jy klaar is met hom

- **Was** die pot met warm seepwater, spoel hom deeglik af
- **Smeer** kookolie aan die binnekant en stop die potjie vol opgefommelde koerantpapier
- **Bêre** die pot met die deksel af in 'n droë plek.





Gebuigde gietertjie vol gate

Daar was eendag 'n ou moedertjie wat vreeslik lief was vir tuinmaak. Met liefde en sorg het sy na al haar plantjies en blommetjies omgesien. Verbygangers het eers vir 'n wyle stil gaan staan om haar pragtige tuin te bewonder.

Eendag daag 'n koerant-verslaggewer op, om met haar 'n onderhoud te voer, te hoor wat sy dan doen dat haar tuin so uitstaan bo al die ander tuine in die dorpie. En toe vertel sy dié storie:-

"Jare geleden, toe die dorpie tot stand gekom het, het die Burgemeester ons almal genooi om saad en toerusting te kom haal sodat ons die dorp se tuine kan mooi maak. Omdat ek moeilik loop, as gevolg van my skewe voet, het ek laaste daar aangekom en laaste in die ry ingeval. Almal voor my het die beste pakkies saad uitgesoek en die mooiste gieters gevat. Of só het ek destyds gedink.

Toe ek uiteindelik voor kom, was daar nog net 'n paar alval pakkies saad oor en 'n stukkende gietertjie. Die gietertjie was gebuig en vol gate, maar het vir my so kosbaar en mooi geword met die jare.

Ek het al die saadjies wat ek bymekaar kon kry in my tuin kom saai en getrou dit natgegooi met die stukkende gietertjie. Want, het ek agtergekom, die gietertjie vol gate het soos 'n spreier gewerk. Dit kon terselfdertyd op verskillende plekke natmaak.

Ook 'n straaltjie op my skewe voet laat val, wat tussen my tone kielie, en my laat skaterlag het. Onwillekeurig het ek my tone begin beweeg van die tinteling en daar het weer lewe in my voet gekom. Daardie gietertjie het wyd gesprei. Dit was dus 'n seën dat ek al die verskeidenheid saadjies en die beste gietertjie kon gekry het."

Werk dit nie maar in die lewe ook so nie?

Ons almal probeer altyd die mooiste en beste in alles kies en wees. Die regop gietertjes met perfekte tuitjies, sonder duikies of merkies. Ons moet mos altyd goed vertoon, 'n mooi straaltjie kan gooi, sonder om onnodige druppels te mors, sekuur gemik op die teiken. Niemand van ons wil tog, as keuse, 'n gebuigde ou gietertjie, vol gate, wees nie.

Maar dis huis daardie gietertjes vol gate, wat wyer kan besprinkel, as die perfekte gieters. Jesus self, was vol gate gemaak, daar waar Hy vir ons gesterf het. En deur daardie wonde kon Sy liefde wyd oor die mensdom uitvloei. Hy was liggaamlik geknak, nie meer heel nie. Hy moes stukkend word, sodat ons geestelik heel kon word. Die lewe knak ons ook soms. Bitter min van ons kom ongeskonde anderkant uit.

Maar dis huis dan wanneer ons meer bruikbaar word vir God en ander. Want as jy vol 'gate' is, kan Sy liefde wat deur jou vloeи (wat die bron van lewende water is) beter sprei oor ander, maar ook oor jou eie binne-tuin. Die Here kies soms die mees gebuigde gietertjes, met die meeste gate, om groot dinge vir Hom te doen. Want hulle is nie meer so ingestel op hoe hulle lyk nie, maar net op hoé diensbaar hulle kan wees.

"Here, dankie dat U nie na ons uiterlike kyk, of na die verwonding van ons innerlike nie. Dankie dat U elke hart raaksien. Dat U liefde dit vir ons moontlik gemaak het om diensbaar te kan wees. Dankie dat U stukkend geword het, sodat ons heel kon word.

Gee dat ons met trots U liefde wyd sal sprei oor ander en onsself. "Gebruik my, stukkende gietertjie om vir ander lewende water te gee wanneer ek nie meer kan nie, want ek weet in my swakheid word U krag volbring."


(Ingestuur deur Tania Deyzel)



Oos-Kaap

Gamtoos

20-22 Maart 2015



Dit is Vrydagmiddag 2 uur en dit klink na 'n blink plan om sommer die naweek vroeër af te skop. Ons arriveer net na 3 by Gamtoos, net om te sien dat daar al heelwat karavane staan. Baie van ons medekampers het toe dieselfde plan as ons gehad. Karavane word uitgepak en tente rustig opgeslaan tussen koue lafenisse deur (Was nogal heel hittig). Mario en sy gas was so opgewonde dat hulle al Donderdag begin kamp het.



Half 7 was die meeste mense al lekker aan die kuier en braai. Ek en Sandra het boekvat en inbetaling hanteer. Daar was 38 karavane wat deel was van hierdie heerlike naweek en kuier, waarvan 4 gaste was.

Saterdagoggend 10 uur het Sandra Fourie vir ons boekvat gehou en die res van die dag het almal lekker gekuier. Sommige het lekker vis gevang en ander het gehengel terwyl ander die kans gebruik het om die winkels in Jbay in te gaan. Die kinders kon ook lekker by parkie speel deur die dag. Daar is ook rugby gekyk later die middag.



Tussen al die kampery het ons ook 2 verjaarsdae gehad. Johan Rautenbach die Saterdag en Adele Engelbrecht die Sondag. Lekker om so op 'n kamp tussen jou vriende te verjaar, veral as jy 'n voetmasering kry. Dankie Jacques.



Ons eerste vis is al die Vrydagaand deur Marin Deyzel gevang en dit het die manne aangemoedig om nog groter visse te vang. Saterdagmiddag is die wen vis deur Gerhard Momberg (ala Serrah de Jager) gevang met die hulp van sy aasman, Kenneth Bothma. Vissermanne word van kleins af gevorm en is gehoek as daardie eerste vissie byt soos klein Tiaart en Jakkie en Johan se kleinkind. Baie trotse vissermanne.



Geluk aan Tjaart Snyman wat die pragtige visstok gewen het. Ons is nou nie seker of dit 'n blou bul, WP of Stormers stok is nie. Geniet hom. Volgende jaar vat jy die beker. Dankie Johan Fourie wat vir ons die prys gereël het.



Sondagoggend het Ds. Rudi vir ons 'n baie treffende boodskap van hoop gegee by die kerkgods. Na kerk het heelwat nog eers lekker gekuier en gebraai voor ons die pad huis toe aangepak het. Van die manne en kinders het nog steeds daaraan gewerk om die groot vis te vang. Stefani het ons kom wys hoe vang sy vis.

Dit was 'n baie lekker naweek. Baie dankie aan al die helpers en kampers. Tot volgende kamp.

Sawa groete

Karen Rautenbach

Wintertoer 2015 - van hier tot & dae verder

Ons vertrek Saterdag die 4de Julie vanaf Nanaga. Elkeen sal 'n program kry voor ons vertrek.

Nag 4 en 5 tussen pynappellande

Nag 6 en 7 by die donkie

Nag 8, 9, 10 by put sonder water


'n Jag is gereël vir die manne wat gewere het en dit saamneem op die toer.

Daar word tussen verblyfplekke 130km gery en die laaste dag 270km.

Die afsny datum is einde Maart 2015. Daar sal depositos betaal moet word, want sekere plekke verkies dit. Parke vra per persoon en per kind. Beraamde koste sonder brandstof R2500.

Kontak Tjaart by: 084 580 5818 of

041-933 3248



Melissa & Lize tydens die Colour run in Mosselbaai Desember 2014



Sieg, Jacques & Charlie tydens hul Hartenbos vakansie Desember 2014

Down memory lane....

Rauties se eerste wintertoer. Hogsback 2003.

Ons het in Februarie 2003 aangesluit by SAWA. Beste besluit nog. My man wil mos niks mis nie. So nou gaan ons toer. Ken soos NIEMAND wat toer nie, maar ons gaan toer. Hier kry ons toe sommer ons naam vir die CB radios CAMELKIES. Johan het op daai stadium Camel gerook. Wel die naam bly maar vir altyd.



Hier eindig ons toe langs Gerrie en Vanessa Rens in 'n gat. Toe begin ons kamp. Sommer gaan visvang by die dam ook.

Elke dag in n ander rigting gegaan. Het al wat waterval besoek en kindertjies het heerlik saam gestap. Hulle was darm tog nog so klein. Kyk hoe stap ons met ons stapstokke in die middel van die winter met somerkleren. Was baie warm. Kinders drink lekker skoon bergwater direk uit die strome.

Watervalle en feetjies in die woude fasineer die kinders en ook vir my. Voel nog die ongelooklike mag en prag van God se skepping.



Natuurlik eet ons mos weer saam ook. Lekker pannekoek en ek proe nog Vanessa se melktart sommer net daar gemaak. Was ook sulke worsies gebak in 'n degie.



Kyk hoe klein is Janke en Melissa nog.





Een dag is ons Katberg toe oor die berg met grondpad.
Bo-op die berg het ons natuurlik weet ontbyt gemaak.



En so is ons toe gevang. Hoek lyn en sinker! Nou kamp ons. Dankie vir almal wat saam dit so spesiaal gemaak het.

Groete

Karen Rautenbach



Daai skuldgevoel

Ek dink soms aan al die wyn wat ek drink, en dan voel ek skaamte. Dan kyk ek in my glas en ek dink aan al die werkers en die wingerde en al hulle hoop en drome. As ek nie hierdie wyn drink nie, mag hulle dalk hul werk verloor en kan hul drome verpletter word. Dan sê ek vir myself dis beter dat ek wyn drink, liewer as om selfsugtig te wees en net aan my eie lewer te dink.—Jack Handy



KLINICARE
PHARMACIES
Caring for YOU

KLINICARE UITENHAGE
Tel: 041-991 12 34

BUSINESS HOURS
MONDAYS-SATURDAYS:
08H30-21H00

SUNDAYS & PUBLIC HOLIDAYS:
10H00 - 21H00

FREE DELIVERY

Address: 114 Caledon Street, Uitenhage 6230 (Opposite McDonalds)

Building Contractor

NHBRC & VAT Registered (Ubuntuvent cc)

~ Free quotations ~

* New Buildings * Boundary Walls * Palisades * Paving *

* Alterations * Electrical * Plumbing * Granny Flats *

Phone CJ Snyman

Cell: 084 580 5818 Fax: 041 933 3248

email: tjaarts@webmail.co.za

Indien u belangstel om u besigheid of enige ander advertensie hier te wil plaas kontak my gerus.

Email: ischke@yahoo.com Sel: 072 800 8723



Nuwe Lede

	<p>Jacques & Patrys Anker</p>	<p>Martin Botha</p>
<p>1. Wanneer het julle by SAWA aangesluit en hoe het julle van hulle gehoor?</p>	<p>Die Bronne 1986 – By oom Ryk Joubert (vriende)</p>	<p>Saan my ouers in 2010. Gehoor deur vriende en familie</p>
<p>2. Hoeveel kampe het julle al saam met SAWA gekamp en watter posisies het julle beklee?</p>	<p>Geen</p>	<p>Soveel as moontlik van 2010 af. Ek help met die klank by die kampe</p>
<p>3. Het julle aan enige ander kampeergroep behoort?</p>	<p>Geen</p>	<p>Geen</p>
<p>4. Kampgeleentheid wat julle altyd sal onthou?</p>	<p>Al die toere</p>	<p>Gamtoos Mei 2014. Ek het die visvangkompetisie gewen</p>
<p>5. Kampgeleentheid wat julle liewers wil vergeet?</p>	<p>Nog nooit so ondervinding gehad nie</p>	<p>Geen</p>
<p>6. Wat moet altyd saamgaan as julle kamp?</p>	<p>Rustigheid</p>	<p>My kamera</p>
<p>7. Wat moet eerder by die huis bly tydens 'n kamp?</p>	<p>Ongeduld</p>	<p>Selfoon</p>
<p>8. Gunsteling kampplek/oord en hoekom?</p>	<p>Sal van vooraf eers weer moet meemaak</p>	<p>Van Stadens – die lekkerste kampplek naby die natuur</p>
<p>9. By watter kampplek/oord sal julle nie meer gaan kamp nie?</p>	<p>Geen</p>	<p>Jeffreysbaai</p>
<p>10. Is daar 'n plek waar julle nog nie gekamp het nie en wat julle graag sal wil besoek?</p>	<p>Goudini Spa – klink altyd so lekker daar</p>	<p>Baie – te veel om te noem</p>



Lede Indeling

JOHAN STEYNBERG Stenie Grobler Flippie & Amanda Kapp Theo & Mariana Pozyn Stan & Marguerite Vermeulen	Willie & Martie Gummow Gerhard & Leonora Moggee Anton & Dina Claassen Anton & Rozelle van Mollendorff	Christo & Dianne Jonker Gary & Juliana Oelofse Elria Stanford Elmar & Elsabe Steyn
RICHARD HEYMAN Werner & Charmaine Barnard Tertuis & Latella du Toit Reitz & Sussie Kruger Paul & Juanita van Aardt Frank & Kristie Fourie	Johan & Jakkie Barnardo Casper & Philna Jerling Charl & Lynette Potgieter Johan & Petro Slabbert Martin Botha	Morne & Ruth Basson Anton & Karin Knoetze Jaco & Elsabe Le Roux Ben & Marie Weitz
LIANA LABUSCHAGNE Kenneth & Lizelle Bothma Eddie & Tania Deysel Johan & Sannie Williams Peter & Leonie van Rensburg Marius & Beata van Rensburg	Gerhard & Michelle Bosch Adriaan & Christa Viviers Naas & Corne Terblanche Theo & Susan van Brouwershaven	George & Karin Brand Dwayne & Anneke Lerm Gato & Estelle Ferreira Ds Rudi & Natasja van Tonder
ANDY WAIT Willie & Jackie Conradie Gert & Luzie Scheepers Pieter & Bettie Venter Malcolm & Sandra Wait	Johan & Gesina Vermaak Piet Kapp Danie & Maretha Zeelie	Cecile Meyer Wouter & Alna Steenkamp Leon & Liz von Waltzleben
KAREN RAUTENBACH Gerrie & Isabella Bezuidenhout Hansie & Elna Jonck Tjaart & Nelia Snyman Mario & Michele van der Westhuizen	Jacques & Patrys Anker Sakkie & Alida Kinghorn Jan & Tanya Hugo Kobus & Lorenda van Eeden	Goofey & Elmarie Fouche Eddie & Rentia Nance Elsabe Pattinson Louwtjie & Erika Heunis
TESSA BESSINGER Bossie & Ronnie Boshoff Gerrie & Vanessa Rens Johan & Kobie Rossouw Kallie & Denise Kaltenbrunn	Barend & Lenie Swanepoel Leon & Marina Renierse Gerrie & Lorna van Rooyen Grant & Sonnette Willett	Cynthia Didloff Tobie & Judie Botha Shaun & Madelyn Victor Andre & Marietjie Venter
ZELDRI STRYDOM Tinus & Eurika Claesen Pieter & Elise du Preez Gerhard & Annemarie Momberg Chris & Adele Bezuidenhout	Duppie & Emsé du Plessis Arno & Adele Engelbrecht Markus & Riana Pottas Gerhard & Pauline Human	Chris & Magda Coertze Ferdie & Betsie du Toit Susan Smith Gustav & Janine Nel
ZELDA SWANEPOEL Andre & Jennifer Barnard Tommie & Rene Hall Andre & Rika Muller Mario & Vicki Weitz Eric & Wilna Noack	Christo & Michele Blignaut Ettienne & Marohessa du Preez Sieg & Charlene Slabbert Anton & Theresa Wilemse	Ettienne & Zunel Fourie JG en Denise Le Roux Eben Weitz Louis & Rene Botha
STEVE LAMBRECHTS Jacques & Salome Botha Benji & Yvette Erasmus Johan & Sandra Fourie Ettiene & Michelle Smit	Auret & Annelie Morton Martin & Christelle Deyzel Theo & Moniques Buchner Jacques & Jacqueline Whittle	Pierre & Wilma Stander Warren & Janine Nance Johan & Wanda van Vuuren Werner & Lizelle Visser



Verjaarsdae



<u>APRIL</u>		<u>MEI</u>		<u>JUNIE</u>	
1	Leon Reynierse	1	Auret Morton	3	Martie Gummow
1	*Lynique Deyzel	1	*Ilani Lambrechts	4	Thinus Claasen
4	*Shanell Greyling	2	Isabella Bezuidenhout	4	Casper Jerling
7	*Storm Noack	4	Theo van Brouwershaven	4	*Anri Willemse
7	Petro Slabbert	5	Goofey Fouche	5	*Dylan Opperman
9	Morne Basson	5	*Dean Bosch	5	*Haylee Morton
10	*Anton Human	7	Rika Muller	6	Liana Labuschagne
11	Jacques Botha	7	*Munro van Aarde	9	Naas Terblanche
11	Sandra Wait	8	Elria Stanford	10	Vanessa Rens
13	Andre Muller	8	Leonora Moggee	10	Adriaan Viviers
14	Elsabe Pattinson	11	Dianne Jonker	11	Gustav Nel
17	Elsabe Le Roux	12	*Jean-Claude Fourie	14	Wilna Noack
17	*Erika Botha	13	Kobus van Eeden	15	Ruth Basson
17	*Leane Le Roux	15	Maretha Zeelie	15	Lizelle Visser
19	Martin Deyzel	18	Madelyne Victor	19	Michelle Thysse
19	Chené Engelbecht	19	Marguerite Vermeulen	19	Gert Scheepers
20	Reitz Kruger	19	*Jordan Momberg	20	Nelia Snyman
22	Marius Janse van Rensburg	20	Jan Hugo	21	Hansie Jonck
23	Lizelle Bothma	22	*Luan Buchner	21	Zeldri Strydom
24	Salome Botha	23	Tommy Hall	21	*Mornante Basson
24	Chris Coetze	23	Annelie Morton	23	Theo Pozyn
24	Jackie Conradie	24	*Anri Knoetze	24	Peter van Rensburg
24	Shannett Greyling	27	Lorenda van Eeden	24	*Alexis Fourie
24	*Brandon Oelofse	28	*Marissa Lerm	26	Gerrie Rens
25	*Tiaan Bezuidenhout	29	*Meagan Momberg	27	Latella Du Toit
26	Judie Botha	30	Zunel Fourie	28	Lorna van Rooyen
26	*Marcel Botha	31	Tanya Hugo	28	*Sanmari Kapp
27	Tania Deyzel			29	Pieter Venter
27	Estelle Ferreira			29	Gerhard Human
27	*Stefani Lambrechts			30	George Brand
28	Christo Blignaut				
30	Elsabe Steyn				
30	*JC Bothma				



JAARPROGRAM : 2014 / 2015

SAWA Oos-Kaap

**(7 VAN DIE 9 STREEK SAAMTREKKE TEL VIR 100% BYWONING)

**(SB – SENIOR BURG SAAMTREKKE)



MAAND	DATUM	KAMP	OORD	100%	KAMPL.
AUGUSTUS	15 – 17	AJV SB	VAN STADENS	1	Bestuur
SEPTEMBER	5 – 7	Bestuurskamp	PINE LODGE		Johan S
SEPTEMBER	12 - 14	<i>KONGRES</i>			
SEPTEMBEr	19 – 21	Streek	BOS/GAMTOOS	2	Jan/Richard
OKTOBER	24 – 26	Streek	WILLOWS	3	Tessa
OKT/NOV	31/10 – 2/11	<i>NUB</i>			
NOVEMBER	14 – 16	Streek SB	VAN STADENS	4	Zeldri
DESEMBER	5 – 7	Streek	MANGOLDSPOOL		Liana
JANUARIE	(12)16 – 18	Streek	SUMMERWOOD	5	Zelda
FEBRUARIE	9 – 11	<i>NUB</i>			
FEBRUARIE	13 – 15	Streek SB	WILLOWS	6	Johan
MAART	6 – 8	100+	VAN STADENS		
MAART	20 - 22	Streek	GAMTOOS	7	Karen
APRIL	3 – 6	Streek	NIESHOUTKLOOF		Richard/Liana
APRIL	24 - 27	Gebiedskamp	KEURBOOMS		
MEI	8 – 10	<i>NUB</i>			
MEI	15 – 17	Streek	GEHEIM	8	Zelda
JUNIE	12 – 14	Streek	PEARSONPARK	9	Steve
JULIE	4 - 12	Streek	WINTERTOER (GEHEIM)		Tjaart
JULIE	17 – 19	Streek	SITRUSOEWER / ADDO		Richard/Johan
AUG/SEPT	31/7 – 2/8	<i>NUB</i>			
AUGUSTUS	7 – 10	AJV SB	WILLOWS	1	Bestuur
SEPTEMBER	4 – 6	Bestuurskamp	PINE LODGE		Voorsitter
SEPTEMBER	11 – 13	Streek	BOS / GAMTOOS	2	Zelda/
OKTOBER	16 – 18	<i>KONGRES</i>			
OKTOBER	23 – 25	Mini-Gebied SB	VAN STADENS	3	
NOVEMBER	6 – 8	<i>NUB</i>			
NOVEMBER	20 - 22	Streek	MANGOLDSPOOL		
DESEMBER	4 – 6	Streek SB	WILLOWS	4	



SAWA streef daarna om



Vir Afrikaans-georiënteerde kampeerders die geleenthed te bied om binne 'n Christelike konteks, 'n tuiste te bied waar hulle hul beginsels en kultuur kan uitleef.

- Vir kampeerders die geleenthede te bied om saam met geesgenote so bekostigbaar as moontlik te kampeer.
- Die belang van SAWA-lede te bevorder deur onderhandeling en samewerking met ander instansies.
- Die balans tussen die belang van die mens en die natuur te handhaaf.
- In alles die hand van die Skepper te sien en Hom daarvoor te huldig.

SAWA onderskryf die volgende waardes:

Christenskap
Lojaliteit
Respek
Integriteit
Eerlikheid
Diensbaarheid
Verdraagsaamheid

Uit die SAWA Webblad